

„Fessspillhaus“

**Die Daxe spendierten uns e Fessspillhaus
La Ola oder Diamant, kütt leider niemals raus
Die Lück, die frochten sesch, wat dat wohl koss:
Jeschenpaket met Schlöppche dran, su kohm et met der Poss**

Jroßbaustellen he en Bonn, sin immer schwer en Brass
die ein wor plötzlich pleite, die andere klätschnaas
Der Oberbürgermeister hat sich dann usjedach
De Büjerschaff wed für däm Bau zom Fessspillhaus befrach

Jetz kumme de Vereine un jevven sich do dran
Wat su e herrlich Fessspillhaus janz onbedink möht han
Ein jeglicher Verein scheck dem OB ne Breef,
Wie wed he se bos widder loss, die Jeister, die he rief

Die Daxe

Ne Karnevalsverein will em Foyer an lange Thek
De Kleinjärtner vürm Einjang a schön jroß Bloomebeet
De Schwimmsportfründe wünsche sech Dusche für de Paus
De Baskets vun de Telekom ne Fitnessraum em Haus

De Ruderclub, dä will janz jän ne Bootsanlejer han
De Käjelclub ist sellevsverständlich für en Käjelbahn
Ne Landeplatz für Hubschrauber der Jrenzschutz noch bestellt,
dä kütt noch op et Daach, denn et koss jo nit de Welt

Die Daxe

Bejeisterung der Büjerschaff, die es jetz schwehr entfach
De Phantasie sprenk alle Jrenze, wä hät dat jedach
De Architekthe raufen sech ihre letzte Hoor
Bes dä janhze Quatsch jebaut, verjon noch 100 Johr

Mer Musiker sin janz jespannt, wie he dat Spill usjeit
Ne weltklasse Konzertsaal wör unser jrößte Freud
Ehr leve Lück, mer roden üch, setzt üch jetzt dofür ein,
sons kütt dat schöne Fessspillhaus niemols zu uss noh Bonn

Die Daxe

**Text und Melodie Volker Kriegsmann
Arrangement Michael Barfuß**